

Sarajevo, 6. februar 2017.

Informacija za medije

## PEDESET Odsto djece ne bi prijavilo uznemiravanje na internetu

*U povodu obilježavanja Dana sigurnog interneta, Save the Children upozorava da 90% djece uzrasta od 10 do 15 godina posjeduje mobilni telefon, a većina je spremna ostaviti svoje lične podatke na internetu, uključujući adresu stanovanja*

Rezultati istraživanja koje je Save the Children proveo tokom 2016. godine o ponašanju i navikama djece na internetu pokazali su da **većina djece svakodnevno koristi informaciono-komunikacione tehnologije (IKT) i pristupa internetu već od svoje devete godine** života. Gotovo sva djeca posjeduju uređaj preko kojeg pristupaju internetu, a najčešće je to mobilni telefon, preko kojeg jedna trećina ispitanih djece ima pristup mobilnom internetu.

Kako se u **utorak, 7. februara** obilježava **Dan sigurnog interneta**, Save the Children želi skrenuti pažnju na sigurnosne izazove koje predstavlja masovno korištenje informaciono-komunikacionih tehnologija, a posebno u kontekstu sigurnosti djece kao najranjivije kategorije.

Informaciono-komunikacione tehnologije rapidno se razvijaju. Nove generacije djece odrastaju koristeći najnovije proizvode iz ove oblasti, dok znanje i iskustvo roditelja najčešće zaostaje. Prema rezultatima istraživanja, 90,5% djece uzrasta od 9 do 17 godina ima profil na jednoj ili više društvenih mreža - Twitter, Facebook, Youtube i Instagram. Svako četvrto dijete našlo se u situaciji da mu je objavljena slika bez dozvole, a 28% djece obuhvaćene istraživanjem doživjelo je prijetnje na internetu tri ili više puta. **U slučaju problema, 50% odsto djece ne bi prijavilo slučaj uznemiravanja na internetu, a manje od trećine ispitanih djece bi se obratilo školskom osoblju.**

*„S obzirom na to da se nastavni predmet vezan za informatiku i računarstvo najčešće počinje izučavati tek sa 11 godina, u šestom razredu osnovne škole, a djeca ostvaruju pristup internetu mnogo prije sticanja osnovnih znanja o informatici u okviru formalnog obrazovanja, evidentna je potreba za obrazovanjem i djece i njihovih roditelja o opasnostima koje vrebaju na internetu, te načinima na koje se dijete od njih može zaštititi. Neophodno je preventivno djelovati u svrhu stalnog učenja, imajući na umu pozitivne stvari koje informaciono-komunikacione tehnologije pružaju, ali i rizike i opasnosti, pogotovo kada su djeca u pitanju,“* ističe direktorica Save the Children za sjeverozapadni Balkan **Andrea Žeravčić**.

Veoma je bitan angažman cjelokupnog društva kako bi se kroz različite nivoe vlasti ali i putem formalnog i neformalnog obrazovanja kvalitetno djelovalo s ciljem sveobuhvatne zaštite djece na internetu.

Kompletno istraživanje dostupno je na ovom linku:

<https://nwb.savethechildren.net/sites/nwb.savethechildren.net/files/library/Izvjestaj-ponasanje-djece-na-internetu.pdf>; a na dostupna je i Analiza u oblasti borbe protiv seksualnog nasilja i drugih oblika zlostavljanja na internetu djece u Bosni i Hercegovini:

<https://nwb.savethechildren.net/sites/nwb.savethechildren.net/files/library/Analiza-nasilje-na-internetu.pdf>

Za više informacije obratite se Šejli Dizdarević putem email adrese [sejla.dizdarevic@savethechildren.org](mailto:sejla.dizdarevic@savethechildren.org) ili brojeva telefona 033 290 686, 063 640 410.